

Izohlar, hisob-kitoblar va tushuntirishlarda taqdim etiladigan axborotlar

84. Xo‘jalik yurituvchi sub’yekt moliyaviy hisobotga izohlar, hisob-kitoblar va tushuntirishlarda daromadlar va xarajatlar turlari yoki faoliyat turlari bo‘yicha tasniflash yo‘li bilan daromadlar va xarajatlarni tahlil qilib berishi kerak.

85. Xarajatlarni faoliyat turlari bo‘yicha tasniflaydigan xo‘jalik yurituvchi sub’yektlar xarajatlarning turlari bo‘yicha qo‘shimcha axborotni, jumladan eskirish (amortizasiya) xarajatlarini, xodimlarni saqlash bilan bog‘liq xarajatlarni, xom ashyo va xalq iste’moli tovarlaridan foydalanish xarajatlari bo‘yicha qo‘shimcha axborotlarni yoritib berishga majbur.